

Фармацевтика тармоғини ривожлантириш агентлигининг ходимлари “Қатағон қурбонлари хотираси” музейига ташриф буюрдилар



Ҳар бир эл, ҳар бир давлат бор экан, барчаси ўз тарихига эга. Тарихини билган халқгина ўзлигини англайди, зеро тарихий хотирасиз келажакни барпо қилиб бўлмайди. Фармацевтика тармоғи ривожлантириш агентлиги ва “Зарур амалиётлар маркази” ДУК ходимлари жорий йилнинг 26 август санасида “Қатағон қурбонлари хотираси” музейига ташриф буюришди.



Шунингдек, Маънавий – маърифий ишлар самарадорлигини ошириш, давлат тили тўғрисидаги конун хужжатларига риоя этилишини таъминлаш бўйича директор маслаҳатчиси Мухаббат Ибрагимова бошчилигидаги агентлик ходимлари 2002 йилнинг 31 август куни Ўзбекистон Республикасининг биринчи президенти И. А. Каримов ташаббуси билан очилган музейининг турли даврларни ўз ичига олган бўлимларини кўзда кечиришда. XIX аср ўрталари ва охирлари, 20-йиллардаги қатағон, “қулоқ”лаштириш даври, 30-йиллардаги қатағон, 40-50-йиллардаги қатағон,



80-йиллардаги қатағон ва мустақиллик йилларида қатағонларни хотирлаш ва эъзозлаш давларини ўз ичига олган бўлимларда мазкур давларга оид хужжатлар, маҳфий қоғозлар, расмлар, давр лавҳалари ва экспонатлар билан танишиб чиқишиди.



Таъкидлаш даркорки, бу музей Агентликда фаолият олиб борувчи ёшлар маънавий дунёқарашини шакллантириш, уларда аждодларга нисбатан меҳр, ифтихор туйгуларини такомиллаштиришда, яна маданий-маърифий ғояларни кенг халқ оммаси ўртасида тарғиб қилишда муҳим вазифаларни бажаради ҳамда аждодларга муносиб тарзда ҳаёт кечириш, меҳнат қилиш ва буюк ишларни амалга ошириш сари илҳом бахш этади.